

五日一歸府每朝見特贊與三公絕席禹上言方諒陰密靜之時不宜依常有事於苑囿其廣成上林空地宜且以假貧民太后從之及安帝卽位數上疾乞身召遣小黃門問疾賜牛一頭酒十斛勸令就第其錢布刀劍衣物前後累至永初元年以定策功封安鄉侯食邑千二百戶與太尉徐防司空尹勤同日俱封其秋以寇賊水雨策免防勤而禹不自安上書乞骸骨更拜太尉四年新野君病皇太后車駕幸其第禹與司徒夏勤司空張敏俱上表言王者清道而後行清室而後御陛下體烝烝之至孝親省方藥久處單外百官露止議者所不安宜且還宮上爲宗廟社稷下爲萬國子民比三上固爭乃還宮後連歲災荒府藏空虛禹上疏求入三歲租稅以助郡國稟假詔許之五年以陰陽不和策免七年卒於家使者弔祭除小子曜爲郎中長

而過歷行郡邑深幽之處莫不畢到親錄囚徒多所明舉人懷喜悅元和二年轉兗州刺史亦有清平稱三年遷下邳相徐縣北界有蒲陽坡旁多良田而堙廢莫修禹爲開水門通引灌溉遂成熟田數百頃勸率吏民假與種糧親自勉勞遂大收穀實鄰郡貧者歸之千餘戶室廬相屬其下成市後歲至墾千餘頃民用溫給功曹史戴閏故太尉掾也權動郡內有小譴禹令自致徐獄然後正其法自長史以下莫不震肅永元六年入爲大司農拜太尉和帝甚禮之十五年南巡祠園廟禹以太尉兼衛尉留守聞車駕當進幸江陵以爲不宜冒險遽驛馬上諫詔報曰祠謁旣訖當南禮大江會得君奏臨漢回輿而旋及行還禹特蒙賞賜延平元年遷爲太傅錄尙書事鄧太后以殤帝初育欲令重臣居禁內乃詔禹舍宮中給帷帳牀褥大官朝夕進食

五日一歸府每朝見特贊與三公絕席禹上言方諒陰密靜之時不宜依常有事於苑囿其廣成上林空地宜且以假貧民太后從之及安帝卽位數上疾乞身召道小黃門問疾賜牛一頭酒十斛勸令就第其錢布刀劍衣物前後累至永初元年以定策功封安鄉侯食邑千二百戶禹之屬徐防司空尹勤同日俱封其秋以寇賊水雨策免防勤禹不自安上書乞骸骨更拜太尉四年新野君病皇太后尊為幸其第禹與司徒夏勤司空張敏俱上表言王者清道而行清室而後御陛下體烝烝之至孝親省方藥久處單外百官露止議者所不安宜且還宮上爲宗廟社稷下爲萬國子民比三上固爭乃還宮後連歲災荒府藏空虛禹上疏求入三歲租稅以助郡國稟假詔許之五年以陰陽不和策免七年卒於家使者弔祭除小子曜爲郎中長

子盛嗣

後漢書

唐

李元愷邢州人博學善天文律厯性恭愼未嘗敢語人宋璟嘗師之既當國厚遺以束帛將薦之朝拒不答洛州刺史元行沖邀致之間經義畢贈衣服辭曰吾軀不可服新麗懼不稱以速咎也行沖垢屨復與之不獲已受俄報身所蠶素絲曰義不受無妄財也先是定州崔元鑒善禮學用張易之力授朝散大夫家居給半祿元愷誚曰無功而祿災也卒年八十餘

新唐書

宋

劉知信字至誠邢州人父遷晉天福末鳳翔帳前軍使改滑州奉國軍校從驍將皇甫暉禦邊有功早卒母卽昭憲太后妹也乾德初封京兆郡太君進本郡夫人開寶三年卒追封齊國太

夫人陪葬安陵贈遷太保知信三年而孤建隆三年起家供奉
官累遷至左神武軍將軍尋領檀州團練使護兵屯鎮州會大
舉北伐與六宅使符昭壽爲押陣都監師還諸將失道知信獨
整所部以歸俄知定州兼兵馬鈐轄押大陣右偏一日設宴犒
將士契丹卒至知信不介而馳之斬獲甚眾以功拜邕州觀察
使又數遷至東京都巡檢使復至定州以疾求還朝至鎮州卒
年六十三贈太尉天平軍節度知信以戚里貴顯然循謹殊甚
有聲於時子承宗承渥承宗幼善射兼習書數以蔭補殿直寄
班祇候咸平初轉供奉官鎮定高陽關三路承受公事還掌軍
器庫眞宗臨幸嘉其整肅面授閣門祇候知信卒轉內殿崇班
累遷鄜延都鈐轄卒中使護喪還京師賜葬地宋史承渥以蔭補
殿直累任使職善條奏終供奉官閣門祇候宏簡錄承宗子承釗

亦官右侍禁閣門祇候

宋史

郭逵字仲通宋神宗時自邢徙洛隸陝西大帥范仲淹麾下爲駐泊將仲淹方議取靈武逵曰地遠而食不繼城大而兵不多未見其利未幾涇原任福以全軍沒人始服其先見

見名將譜

成閔字居仁邢州人靖康初劉韜爲正定帥募勇士捍金兵閔在麾下高宗卽位閔領數百騎至揚州會上南渡韓世忠追苗傅及龔元尤討范汝爲閔皆從積功至武功大夫忠州刺史從世忠入見世忠言臣當避此人出一頭地上嘉歎勞勉旋以取海州功擢磁州團練使召見賜袍帶錦帛加贈玉束帛時方與金盟世忠罷兵入爲樞密使詔進閔棣州防禦使殿前遊奕軍統制歷遷保寧軍承宣使紹興二十四年拜慶遠軍節度使尋丁母憂詔起復贈其母鄭國夫人金主亮將敗盟召閔提禁旅

三萬鎮武昌命湖北守漕創砦屋三萬間以待之發折帛米錢
茶引共百四十餘萬緡義倉和糶米六十三萬石備軍用仍賜
金器劍甲臨遣之閔至鄂未幾進屯應城縣八月除湖北京西
制置使節制兩路軍馬九月兼京西河北招討使十一月詔回
援淮西閔喜於得歸冒雨兼程趨建康士卒多道死朝廷所給
犒師物盡入已不及士卒士卒有怨言閔斬之未幾除淮東制
置使駐鎮江旣而言者論諸軍皆聚鎮江恐敵出不意擣上流
於是詔閔發鄂州張成華旺軍回駐鄂亮死閔引兵渡江趨揚
州及金人自盱眙渡淮北去閔列兵南岸軍士諾聲相聞金人
笑之曰寄聲成太尉有勤護送閔至泗州奏已克復淮東尋入
朝凡侍從卿監閣門內侍皆有賂遺左正言劉度劾之猶超拜
太尉主管殿前司公道尋復爲御史論列罷太尉婺州居住奪

慶遠節乾道初聽自便歸湖州尋詔復節都統鎮江諸軍九年
請致仕治園第於平江淳熙元年卒年八十一贈開府儀同三
司子十一人

宋史

金

郭宣道字德明邢州人系出衣冠家有老成風貞祐中客南陽
定興張履罷鄧州觀察間居縣之石橋見宣道愛之招致門下
飲食教督委曲周備遂有聲場屋間正大末沒兵中

中州集

王德元字仲元邢州人舉經童既授官又從常山周嗣明學壬
辰避兵於許許人師事者數十百人爲人豈弟敦厚與人言必
本於忠信待朋友有禮所與交死歲時往撫其家如生存蓋元

甲戌卒年八十許人立祠於學祀之

虞集撰
祠堂記

元

劉秉忠字仲晦初名侃又名子聰拜官後始更今名

案元史證云元

類編秉忠係世祖所賜名又案輟耕錄云世祖嘗以錢幣問秉忠對曰錢用於陽楮用於陰今國家龍興沙漠宜用楮幣子孫世守之若用錢四海且將不靖遂絕不其先瑞州人曾大父仕用錢後武宗用之不久輒罷果如所言

金爲邢州節度副使因家焉庚辰歲移呼哩取邢州立都元帥

府以其父潤爲都統事定改署州錄事歷鉅鹿內邱兩縣提領

所至皆有惠愛秉忠生而風骨秀異志氣英爽不羈八歲入學

日誦數百言年十三爲質子於帥府十七爲邢臺節度使府令

史以養其親居常鬱鬱不樂一日投筆歎曰吾家累世衣冠乃

汨沒爲刀筆吏乎丈夫不遇於世當隱居以求志耳卽棄去隱

武安山天甯禪師遣徒招致爲僧以其能文詞使掌書記後遊

雲中留居南堂寺海雲禪師被召過雲中聞其博學多材藝邀

與俱行旣入見世祖應對稱旨屢承顧問秉忠於書無所不讀

尤邃於易及邵氏經世書至天文地理律歷三式六壬遁甲之

屬無不精通論天下事如指諸掌世祖大愛之海雲南還秉忠

遂留藩邸父喪賜金百兩爲葬具乃遣使送至邢州服除

按王磐撰

神道碑云初丁母憂毀瘠骨立衣一敝裘三歲不易及父卒身雖從天然之教而服食貶損容貌衰戚與循典禮執通喪者無

異復被召奉旨還和林上書數千百言其略曰典章禮樂法度

三綱五常之教備於堯舜三王因之五霸敗之漢興以來至於

五代一千三百餘年由此道也漢文景光武唐太宗元宗五君

而元宗不無疵也然治亂之道係乎天而由乎人天生青吉斯

皇帝起一旅降諸國不數年而取天下勤勞憂苦大寶於子

孫庶傳萬祀永保無疆之福嘗聞之曰以馬上取天下不可以

馬上治昔武王兄也周公弟也周公思天下善事以繼日每

得一事坐以待旦以匡周室以保周天下八百餘年周公之力

也君上兄也大王弟也思周公之故事而行之在乎今日不可失也君之所在在內莫大乎相相以領百官化萬民在外莫大乎將將以統三軍安四域內外相濟國之急務然天下之大非一人之可及萬事之細非一心之可察當擇開國功臣之子孫分爲京府州郡監守督責舊官以遵王法仍差按察官守治者升否者黜天下不勞力而定也天下戶過百萬自呼圖克諾延斷事者後差徭甚大加以軍馬調發使臣煩擾官吏乞取民不能當是以逃竄宜比舊減半或三分去一就見在之民以定差稅招逃者復業再行定奪官無定次清潔者無以遷汙濫者無以降可比附古例定百官爵祿儀仗使家足身貴有犯於民設條定罪威福者君之權奉命者臣之職今百官自行威福進退生殺惟意之從宜從禁治天下之民未聞教化見在囚人宜從

頒免明施教令使之知畏則犯者自少教令既施罪不至死者
皆提察然後決死犯刑者覆奏然後聽斷不致刑及無辜天子
以天下爲家兆民爲子國不足取於民民不足取於國相須如
魚水有國家者置府庫設倉廩亦爲助民民有身者營產業闢
田野亦爲資國用也今宜核算官民久負若實爲應當差發所
借宜依前旨一本一利官司歸還凡有賠償無名及虛契所負
者並免追取納糧就遠倉有一廢十者宜從近倉以輸爲便當
驛路州城飲食祇待偏重宜計所費以準差發關市津梁正稅
十五分取一宜從舊制禁橫征以利百姓倉庫加耗甚重宜令
權量度均爲一法使鎰銖圭撮尺寸皆平以存信去詐珍貝金
銀之所出淘沙鍊石實不易爲一旦以纏綿絲縷革塗木石
收器仗取一時之華麗廢爲塵而無濟甚可惜也宜從禁治除

帝胄功臣大官以下章服有制外無職之入不得僭越今地廣民微賦歛繁重民不聊生何力耕耨宜差勸農官二員率天下百姓務農桑營產業實國之大益古者庠序學校未嘗廢今郡縣雖有學並非官置宜修建三學設教授開選舉取士以經義爲上詞賦論策次之更宜擇開國功臣子孫亦令入學選達才任用之天下莫大於朝省親民莫近於縣宰雖朝省有法縣宰宜擇縣宰正民自安矣關西河南地廣土沃以軍馬之所出入治而未豐宜設官招撫不數年民歸土闢以資軍馬之用實國之大事伊喇中丞案伊喇中丞錢大昕謂卽耶律楚材當云中書不當云中丞鈞榷鹽鐵諸產商賈酒醋貨殖諸事以定宣課已不爲輕鄂囉哈瑪爾奏請於舊額加倍榷之往往科取民間民無所措手足宜從舊例辦榷更或減輕無縱獻利之徒削民害國鰥寡孤獨廢疾者宜設

孤老院給衣糧以爲養使臣到州郡宜設館不得於官衙民家
安下孔子爲百王師立萬世法今廟堂雖廢存者尙多宜令州
郡祭祀釋奠如舊儀近代禮樂器具縻散宜令置辦徵太常舊
人教引後學使器備人存漸以修之實太平之基王化之本今
天下廣遠雖青吉斯皇帝威福之致亦天地神明所祐也宜訪
明儒循舊禮奠祭上下神祇和天地之氣順時序之行使神享
民依德極於幽明天下賴一人之慶見行遼歷日月交食頗差
開司天臺改成新厯未見施行宜因新君卽位頒厯改元令京
府州郡置更漏使民知時國滅史存古之常道宜撰修金史令
一代君臣事迹不墜於後世國家廣大如天萬中取一以養天
下名士宿儒之無營運產業者使不致困窮或有營運產業者
止輸差稅其餘大小雜泛並行蠲免使自給養實國家養才屬

人之大也明君用人如大匠用材隨其巨細長短以施規矩繩墨孔子曰君子不可小知而可大受小人不可大受而可小知蓋君子所存者大不能盡小人之事或有一短小人所拘者狹不能同君子之量或有一長盡其才而用之成功之道也君子不以言舉人不以人廢言大開言路所以成天下安兆民也天地之大日月之明而或有所蔽且蔽天之明者雲霧也蔽人之明者私欲佞說也常人有之蔽一心人君有之蔽天下宜選左右諫臣使諷諭於未形忖度於至密君子之心一於理義小人之心一於利欲君子得位能容小人小人得勢必排君子明君在上不可不辨也今言利者眾非圖以利國安民實欲殘民而自利也宜將國中人民必用場冶付各路課稅所以定權辦其餘言利者並行罷去古者治世均民產業今窮乏者益損富盛

者增加宜禁行利之人勿恃官勢居官在位者勿侵民利商賈
與民和好交易不生擅奪欺罔之害眞國家之利也笞箠之制
宜會古酌今均爲一法使無敢過越禁私置牢獄及鞭背之刑
以彰愛生之德立朝省以統百官分有司以御眾事以至京府
州縣親民之職無不備紀綱正於上法度行於下故天下不勞
而治也今新君卽位之後可立朝省以爲政本其餘百官不在
員多惟在得人焉耳書上世祖嘉納焉又言邢州舊萬餘戶兵
興以來不滿數百彫壞日甚得良牧守如正定張耕洛水劉肅
者治之猶可完復朝廷卽以耕爲邢州安撫使肅爲副使由是
流民復業升邢爲順德府癸丑從世祖征大理明年征雲南每
贊以天地之好生王者之神武不殺故克城之日未嘗妄戮一
人元史已未從伐宋由陽羅渡濟漢江秉忠曰古者軍賞不踰時

蓋急武功作士氣也今三軍暴露於外久宜少酬其勞帝卽命

呼嚕蘇諭其志故人人踴躍皆樂爲用進圍鄂州閱三月宋人

乞和全師而還

名臣事略

中統元年世祖卽位問以治天下之大經

養民之良法秉忠采祖宗舊典參以古制之宜於今者條例以

聞於是下詔建元紀歲立中書省宣撫司朝廷舊臣山林遺逸

之士咸見錄用文物粲然一新秉忠雖居左右而猶不改舊服

時人稱爲聰書記至元元年翰林學士承旨王鶚奏言秉忠久

侍藩邸積有歲年參帷幄之密謀定社稷之大計忠勤茂著宜

被襲崇聖明御極萬物維新而秉忠猶仍其野服散號深所未

安宜正其衣冠以顯秩帝覽奏卽日拜光祿大夫位太保參預

中書省事詔以翰林侍讀學士竇默女妻之賜第奉先坊且以

少府宮籍監戶給之秉忠旣受命以天下爲己任事無巨細凡